


White



DS
793
832C523
1865
v.1

册	1
卷	1

續修稷山縣志序

山之高也嶽然川之廣也浩然
此皆歷亘古而無所增益者也若
夫山川靈秀之氣積而為雲雨散
則鍾之於人或為大儒為名臣為
孝子為悌弟為義夫貞婦為
畸士騷人均足以振發勵顏

風著之簡編史於後世實有裨
世教之大端也稷雖彈丸邑為古
教穡地其民愿其風樸悠然見
后稷之遺風焉邑舊有志創于
明季至我

朝康熙乾隆嘉慶後重修之迄今
又五十年矣文章節義之倫

層見疊出足以踵前志之盛顧闕
而弗書不克與昔賢爭列斯亦為
宰者之責也予心惕然爰仿之者
老登其姓氏詳記其行事續成若
千卷至山川疆域悉仍舊書不復
贅述後之宰斯邑者其共體
國家教化之隆興閭邑民俗之厚博

採而廣收之于以激濁揚清俾風
氣日趨于古是則私衷所冀幸也
夫是為序

同治四年歲在己丑清和月念稷
山縣事皖南沈鳳翔書於官舍之
槐蔭山館



舊序

秦府強
長史 晟
人

史以傳信今之志猶古之史也凡有國有天下者例
必有史而一郡一邑亦必有史焉雖所紀大小不同
無非所以傳信也稷山有志其亦古史之流與邑以
稷山名者說者以后稷始播百穀於茲而邑以是得
名邑故有志僅有敗楮數葉且出於胥徒之手訛謬
至不可讀其亦邑之不幸也夫予寅梁君宏濟稷產
也篤信好古見義勇爲每慨然謂予吾邑乃鄖公建
勲之地吾必倡爲之祠金元間有二段先生者出吾

必梓行其集且邑志無所於考吾必補完其書必若是而吾之志斯少遂耳君乃於退朝之暇博考羣書至忘寢食不兩越月而書告成一旦攜巨帙過予請叙其首簡予翻閱至再因竊嘆宏濟之見義勇爲果無爽於初志也且其考覈之精詳筆削之嚴謹議論之明正鑿鑿乎可傳於後信乎其爲良史無疑也詩不云乎維桑與梓必恭敬止宏濟拳拳於父母之邦者如此則其所以移孝爲忠而以弼成賢藩之政者夫豈無所自哉正德甲戌春二月

舊序

判官 呂 桷

此志爲秦王府長史梁君宏濟所編綜核物理而稽
具人賢則亦密矣其子進士君正格將入梓以傳乃
獻諸巡按御史潛江初公初公曰凡文美則愛愛則
傳此志雖美能無不盡然者乎可視諸呂涇野君正
遂兩謁予曰此不獨潛江先生之命亦格繼先大夫
之志而思昭敝邑者也按志自建置以下凡十四篇
析類明而紀事實密不啻云爾且此邑去后稷所產
之地甚邇而后稷始稼穡於此邑因是名周人所由

有也而志不具豈非缺典乎乃梁君能振編於數百
載之下而進士又欲梓於登科之後斯其意亦美矣
不亦可永乎嘉靖丙戌春三月

舊序

縣令

賈

憲

安定人

初穆山縣志成汝南強君晟序之未梓而卒君卒去
歲冬其子格謀諸前地官員外郎李君棠視諸侍御
初公及涇野子涇野又序之歸而將梓以大朝迫而
李君行矣格亦以會試迫將行時余始至政務叢一

人司府間有委責遂僕僕無暇日中止者又數月矣

今年三月余治稍就因欲舉前事視其志搜計磔裂
擿撫融結分門列類旣詳且明見其建置之類具離
合變易之迹而世道有可稽見其風俗之類有唐虞
朴儉之風而聖化有可窺見其田賦戶口之類有合
於禹貢周官之良法而時制昭矣見其人物名宦之
類默寓夫春秋綱目之奧旨而鑒戒備矣見其山川
物產諸異跡之類又有合於詩之足以資多識於是
暢然喜而又惕然感於中乃曰是豈有意於余也哉
今夫令於一邑一邑之主也如疆域之不治風俗之

不美與凡涉於斯土者有不理咎將焉執然此豈非
余之責也哉至於人物名宦一志不余責而余之志
愈懼豈非余之警也哉責不得以不憂而警不能以
不爲憂而爲斯無負於責與警也令於此斯無愧也
夫人之爲善固不專於耳目之所及然藉此居多故
雖古之人有書諸紳銘之盤牖以取諸耳目者余未
能此而是志乃余見夫是志往往具令於前者又非
一人舉不直而余直是豈無意於余也哉然則余烏
能無感乎夫余治才數閱月每懼菲薄不堪果有合

於民而悅於神者乎否則直亦不直矣嘉靖丙寅春

三月

舊序

縣令

劉三錫

稷志在宏治前不可考嗣是凡再易焉余受事時會
新志成經緯有章纖鉅並列哀然稱成說矣第不無
佚事當補收譌事當檢正與夫近事當增入者如斛
律光之守平隴猶之乎韋孝寬之守玉壁也韋則俎
豆名宦又更立叢祠而斛律則否齊史昭然可據奈
何沒之邑治故在稍北里許志謂隋開皇二年改建

今治近來民有掘土得誌者云葬稷山之西原以故城遺址絜之卽其地誌蓋貞觀二年物則唐初尙未改安得謂在開皇間也侍御史公瑛抗節挺忠不爲逆瑾所撼當年行事載在名臣錄中物且百年而近始入祀鄉賢又比歲蝗旱王仲元揭竿稱王事皆從古未有至於藝文一道俱出名手皆足增重卽其文不大家而關切民事似不可畧志以詡媿庸厭繁乎邑志雖小史而紕漏未蠲將何以昭方城之實錄備郡國之風謠垂爲百年惇信哉乃延鄉紳中擅詞場

者共爲叅訂譬則凌波而濟跂而望之後之人余豈
得已哉然則余盡余見而已安知上古以來發秀山
川鍾靈社稷諸名公能盡蒐無遺尙埃後之君子有
史才者豈萬歷庚申秋月

舊序

縣令

顧涑初

歸安人

嘗讀周禮職方氏掌九有之圖籍古天子巡方所至
歲采士庶歌謠以周知十五國之風俗竊嘆昔人之
爲治道計何深且遠也嗣後地理志肇自漢史沿及
後代郡有書邑有紀上自星躔分野灾祥雲物下至

山川形勝則壤物產以迄人才之升降民風之淳漓
紀載詳晰靡不展卷列陳燦若指掌稽前可以示後
鑒古有以知今載乘煌煌典誠鉅也稷邑爲古高粱
地背藐姑右玉壁據稷峯以爲障連汾水以爲襟俗
尚淳朴勤稼穡耕鑿作息恍乎蟋蟀山樞之遺風雖
河東一僻壤然歷代以來時異事殊先猷往蹟班班
可攷舊志修於故明博陵劉公迄今閱五十餘年矣
典章日以敝事故日以遷其間人文政治可采可風
者率皆湮沒而不彰亦一邑闕典也今時際

聖朝百度釐舉兆庶咸平余忝膺簡命承乏茲土鞅
掌之暇每覽舊誌而慨焉不禁有修輯之志竊思躬
值隆時得昭盛典甚幸也及茲文獻未淪攷稽伊邇
不爲纂述見聞繼往昔以示來茲俾後起者知所法
戒倘世遠人湮後縱有畱心採攬者而傳聞未信參
訂無從將不能無荒畧之憾誰職其咎廼於癸丑之
春延邑紳衿之文華素擅者因舊誌所未逮共輯而
紀之編列之次爰爲變通損益於其間闕文以補軼
事以傳雖未敢冀追蹤往哲媲美前賢然使後之君

子檢閱昭然萃百里於寸眸集往古於方幅稽某事
則師其所以得考某人則鑒其所以失法戒於此彰
治道於此備且於異日輶軒採奏之內未必無小助
此則余之志也若夫黼黻潤色探奇索渺務使觀覽
靡遺華實兼備於以垂百年惇信余識疎且愧非史
才不敢居也是不能無望於後之人
康熙癸丑暑
月

舊序

知縣

韋之瑗

志之昉也其體權輿於禹貢漢太史公作八書班氏

廣之爲十二志而志之名始著厥後唐有括地宋有寰宇明有一統皆仿其體爲之若夫嚴掌故設官司則周禮爲最詳考職方氏有內史以掌邦國之志有外史以掌四方之志凡以採山川民物風俗貞淫政治得失以獻於王而布其政令焉典至重也我

國家重熙累洽久道化成山陬海澨之區聲教所訖政立事舉凡山川財賦兵防學校風土人文之類官斯土者莫不勒爲成書以垂久遠而勦盛治邑之有志由來舊矣顧志自明以前無考嘉靖萬歷間凡一

再修輯康熙癸丑前顧令卽舊帖而續之迄於今又將百年矣其間風土人物今昔殊觀事多變革典宜增益使不早爲補緝而聽其散佚後將湮滅是懼夫徵文考獻豈異人任余蓋心盟者久之歲癸未州憲重修紀乘馳檄徵各屬志而邑中紳士亦欣然以開局請乃徵舊典蒐軼聞採近事分例編纂而余於簿書之暇亦相與探討商確之缺者補冗者芟信者傳疑者闕剝蝕者完豕亥者辨經始於癸未之秋歷三晦朔而脫稿焉爲卷者十爲目者二十有六而猶恐

考核未精義例未備以貽鉛槧羞復訂可於石城貞
齋夫子嘆曰有是哉此考治之書也卽是可以觀政
矣昔唐宣宗令韋京兆纂次風土景物號曰處分語
向文簡周知天下戶口扼塞爲有宋名臣紫陽蒞任
以修輯紀乘爲亟亟豈徒然哉茲編也其於一邑山
川財賦兵防學校風土人文之類蓋不啻燭照數計
苟由是而求之若者利若者弊若者宜因宜革宜變
通宜調劑酌古準今因地措施一一而處分之庶不
失紫陽修志之本意乎以希往哲以考職守請自茲

志始余聞其言而慙然失憬然惕也爰取而弁諸簡
端並綴數語於末竊以志之爲體與史相表裏而有
美無刺彷彿家乘焉用以鳴盛非可陽秋然此則邑
人意非居官者意也自古言天則言災異不言符瑞
察土以瘠問民所苦譬之知心者但知其憂愛苗者
莫知其碩耳以余觀於稷潁汾則多衝決近山不少
沙鹹土無物產人無奇巧小民守數畝薄田爲八口
計士子負耒而橫經者十常八九市少華肆民鮮服
美惟其故蓋緣勝國晚季民窮賦繁困於徵輸每閭

田賦舊志未嘗不惻然於其時民力之凋瘵而因以見我

朝休養生息百餘年來浩蕩之恩波直與稷峯汾水而並長矣然則有司牧之責者其思所以卵翼而穀哺之以躋稷民於仁壽之域者又當何如也哉
隆歲次癸未冬月既望

舊序

縣令

張應辰

汝州人

自採風之使不行於後世而吏治民情與夫孝子悌弟節婦義士得以上達

朝廷備史氏收錄者惟賴州縣之志志之重修功令
定以三十年非僅慮鄉曲懿行久而就湮也人情之
澆漓淳樸士習之固陋文明其與化移易者總前後
觀之而守令宣力之勤惰舉無所匿於其間用意豈
不深且遠哉予以嘉慶辛未奉

簡命來守茲邑下車聿始披閱前志以爲稷古教稼
地人則勤儉務本風則蟋蟀興思其遺俗應可想見
及撫蒞三載雖訟牘頗劇總不外土物心臧者是抑
丘山陬僻壤往往有庸夫愚婦奮發於孺慕之誠懷

慨之忱其樂善之舉俱不假人爲直出天性者然後
知唐虞之休風猶存先王之遺澤尙未泯也遂延鄉
先達並諸紳士商之曰邑之有志猶國之有史前志
已閱五十載非踵事增修使繼起忠烈之蹟掩沒弗
彰不惟無以表懿美亦將何以勵風俗諸君其歸而
率鄉里後進共相砥礪以表賢能予亦勉求其職庶
幾昭懲勸勵人心使風起日趨熙淳不懈而及於古
以無負

國家休養之意豈不盛哉至西濱大河東臨古絳姑

射峙其北汾水繞其南山川古蹟之美前志已詳哉
言之茲不復贅惟是鍾靈毓秀山河猶昔必代有偉
人可以繼名世掇巍科以樹經濟者是則予之所厚
望也是爲序
昔嘉慶乙亥秋月

劉志姓氏纂修知縣劉三錫編次邑人知州馬耿
通判梁蕙知縣鄭寅梁芸高穎

顧志姓氏纂修知縣顧淶初叅閱縣丞張克遇典
史沈宗昌叅訂訓導馮惟敬校正邑人通判賈國
棟知縣陳國泰王震亨采輯生員趙含光劉曰威

曹希曾梁廷撰高世則張三畏

韋志姓氏纂修知縣韋之瑗編次教諭郭珮訓導
賈天爵典史蔣國璋校錄邑人舉人裴景拔張圖
杉貢生王克紹間有光甯照離李蘭張育梅廩生
高希賢采輯貢生王喆監生衛定趙偉曹文賈珩
生員楊之瑜孫述孔段連甲孫維城段丕顯張
秉德李如桐督刊監生李如楠張履和
張志姓氏纂修知縣張應辰分纂舉人王墀教諭
徐振基訓導褚齊亮督梓典史文調鈞校正學正

馬汝錦舉人張澤訓導楊逢源貢生馬驤生員張
受祺生員許作霖繪圖增生劉秉經編次貢生高
甯華授貢王寬貢生徐文煥貢生管解愠監生馬
驊廩生賀麟經生員馬錦章生員王蘭桂采輯布
經廳杜杉貢生解德順監生馬秉乾武生羅文緯
廩生鄭環廩生馮文徵生員史廷佐生員韓捷登
生員鄭詠

稷山縣志目錄

卷之一

序

舊序

姓氏

目錄

凡例

圖考

星野

圖說附

沿革

地表附

疆域

形勝鋪遞附

山川

水利附

風土

節序物產附

卷之二

建置

廨署坊表附

城池

關津鎮堡橋梁坊里附

祀典

壇廟祠堂附

學校

書院義學鄉飲酒禮附

田賦

丁徭倉儲鹽課附

兵防

武事附

卷之三

職官

宦績

卷之四

選舉

職吏例職武科武秩封蔭附

卷之五

人物

卷之六

孝義

隱逸

寓賢

藝術

仙釋

列女

卷之七

古蹟

寺觀陵墓附

祥異

卷之八

藝文上

卷之九

藝文中

卷之十

藝文下

附詩撰著總目

稷山縣志重修姓氏

纂修

平

京

學

晴

生

藝

張

淵

新

縣

稷

山

縣

知

縣

沈

鳳

翔

笠

分纂

縣

稷

山

縣

知

縣

沈

鳳

翔

世襲騎都尉候選郎中己未科副貢生鄧嘉紳

江寧人

稷

山

縣

教

諭

李

繩

武

迪

前

稷

山

縣

訓

導

秦

漢

章

子

倬

督梓

稷

山

縣

典

史

趙

含

章

古

越

監生

剝

縣人

校正

生

員 李思學

敏夫

署

臨山晉縣教諭 馬大椿

春堂

候

選

教諭 閻步岳

飛卿

候

選

訓導 張世昌

蓮峰

候

選

教諭 閻廷獻

聘三

編次

朔

平府學訓導

姚鴻漸

升達

襄

志垣

訓導

杜若椿

蘆溪

生

員主張長安

貞庵

廩

生人張王鑄

陶庵

增

生主王蘭堦

幼香

廩

生人崔賈濬

晴川

校錄

生

員員王建勲

麟閣

生

員員鄭鑑如

寶卿

生

員員閻運嘉

亨齋

采緝

清

源

鄉

學

訓

導

趙士瑞

輯五

歲

貢

生

趙柄焜

生

員

焦槐

生

員

宋奎耀

生

員

董作霖

已

亥

科

舉

人

賈步沼

蓮炬

廩

生

劉玉書

壬

戌

科

舉

人

王悅來

引恬

貢

生

王天祥

瑞宇

歲

貢

生

任清瑞

恩

貢

生

岳鳴鳳

生

員

張虎候

生

員

韓國彥

甘

肅

河

州

州

判

閻萬清

子餘

興

國

州

州

判

吳福堂

生

員

張溶

生

員

薛體中

生

員

王作楨

歲

貢

生

高獅

已酉科舉人曹立楷

戊午科舉人杜蘅

生員蘭臨澤

生員段耀先

奎文閣張安圭

廩生辛冲霄

歲貢生張基

廩生邢宗海

生員韓鳳樓

歲貢生王鎮鎬

稷山縣志

凡例

一稷志永樂間訓導范昇所編者不傳正德甲戌邑人梁溥始草創嘉靖丙寅其子格付之剞劂至隆慶庚午格子紀復補修之萬歷庚申知縣劉三錫重修

國朝康熙癸丑知縣顧淶初重修乾隆乙酉知縣韋之瑗又再修之至今垂五十餘年若不急加修緝事文散失搜羅愈艱今特取前後志書詳加採擇

因革損益於其間庶爲力省而成功多不致遺漏
不致重勞

一舊志分十卷共列二十六門小目附見各門之下
但節物可概以風土戶口可統於田賦省此二門
一歸簡要其舊序之佳者并附載焉

一志名宦昭有功勸將來也取其名實相副者書之
現在位者俟後論訂焉

一選舉薦辟最古科目次之異才又次之故首薦辟
次進士舉人貢士次職吏例職又次武科武秩至

一 封廕勵忠教孝亦并附入

二 志乘辭關記載雍正年間纂修各省新志卽大吏

亦稱官稱名今本志正文悉如例直書惟論贊屬

作者之筆不在此例

一 人物載正史者或全錄或節錄期於徵實其有祖

孫父子繼美者另傳以列其長現在位在世者例

不書

一 孝義風化攸關除照舊志登載外其續入者必經

公舉呈縣衆議僉同否則概不收錄

一藝文惟有係政治地方者錄之至模山範水之作

一非關風教概從割愛舊志登簿快其餘人皆必錄

一舊志節婦鮮有事實苦節弗彰者多矣然今不可

考姑仍舊志載厥姓氏以其實與否並存世書

一節烈惟奏聞旌獎者始錄例也茲據士民公舉

及聞見最真者亦詳列其事實而表揚之庶有裨

世道云

一祀典最重舊志不載今詳其典禮特爲增入

一政在惠民自疆界始疆域不正弊端叢生非細故

也王者無分民有分土疆域一門今亦特爲詳悉
一志列小序昭眉目也書取便覽無事高標列小序
二十四

一舊志止載八景茲增二景以著邑之名勝亦鼓吹
風雅之一端也

風俗之一節也

一舊志士類八景然伊二景以爲最云各列其類如

二十四

一志風小狀即以其山舊更更變其地其地其地

一志風小狀即以其山舊更更變其地其地其地

縣

誌

圖

縣境圖

義陵
晚照

管村堡

大杜堡

馬首山

佛閣寺

甘泉春色

馬蹄峪

葫蘆泉

東嶽廟

姑射晴嵐

北壇

常公祠
王公祠
劉公祠

甘棠遺愛祠

青龍閣

文昌閣

南壇



黃華峪

紫金山

五武廟

飛文
雲洞

廟子老

下
迪鎮

演武場

后土庙

觀虛靈

西壇

城吳


河神廟


舟孤水冷

翠 簪 峯 稷

玉壁 秋風

縣城圖





縣治

土地廟

雨花寺

三皇廟

三靈廟

周公祠

后稷廟

三觀


照烈廟


后稷古治

關帝廟

天真觀

縣署圖







翠疊峰稷

陵稷



姑射晴嵐






文洞飛雲








仙掌擎月





甘泉春色



玉鑄秋風







孤汾
舟水






義陵晚照



懸崖濺玉








大善古栢



大壽寺跡



稷山縣志卷之一

知縣皖南沈鳳翔纂修

星野志

圖說附

天先成而地後定天地之精爲陰陽積陽生火而爲日積陰生水而爲月日月之精爲星辰而天象所昭人事之盈虛消長因之故保章氏以列星度九州之地所封疆域各有分星無專宿焉稷隸古平陽郡爲冀州一邑奉

天子命守斯土者體敬天勤民之意固宜修德迓休則

慎觀省察祥異辨土占星其先務也爰詳攷而圖之所以便古候云

昔人謂天道渺而難擬君子不恒道吾歷稽前史如春秋熒惑守心宋君有君人之言而徙度歲德在越吳人重違以取天殃諸如此類紀載不一天道其果難擬乎稷雖彈丸地然有人事寧無天道可考舊志乃附載焉而不詳其何以示鑒今別爲一卷首星野辨所屬也次躔度明所周也次麗屬統所備也又次占候示所驗也蓋人事動於下天

象應於上而災祥因之以致固較然不爽者故列

之志端以示慎微之意云

顧志

周禮保章氏注實沈晉也

左傳遷實沈於大夏主參唐人是因以服事夏商及
武王滅唐而封太叔焉故參爲晉星

國語實沈之虛晉人是居所以興也

帝王世紀自畢十二度至東井十五度實沈之次於
辰在申魏之分野

漢書魏地觜觿參之分野也其界自高陵以東盡河

東河內

唐書天文志觜觿參伐實沈也初畢十度餘八百四十一杪四之一中參七度終東井十一度自漢之河東及上黨太原盡西河之地其地上應天闕

星紀魏地畢觜參


圖書編平陽觜參分野

大明清類分野書自畢七度至井八度爲實沈之分平陽府參分蒲絳古隰霍解六州皆觜參分

山西通志稷山屬魏地在觜參之分

觜參二宿圖說

觜宿圖



觜三星距西南星去極八十二度半。座旗九星

距南星去極六十一度半入參宿八度。司怪四

星距西星去極七十一度入參宿六度半

躔度

三星相近作參蘂觜上座旗直指天尊卑之位九

相連司怪曲立座旗邊四鴈大近井鉞前

丹元子步天歌

觜二度在參之右角如鼎足形主天之關明則天

下安五穀熟移動則君臣失位天下旱隋志云觜


觿爲三軍之候行軍之藏府主葆旅收歛萬物明

則軍諸盈將勢得動而明葆旅起

張衡云葆旅野

座於九星在司怪西北主別君臣尊卑之位明則
國有禮暗則反是司怪四星在井鉞前候天地日
月星辰禽獸蟲蛇草木之變與天高占同
天高亦
星名○
占候

參宿圖



參一星距中星西第一星去極九十二度半。玉井四星距西北星去極九十八度少入畢星十一度半。屏二星距南星去極一百一十五度入畢宿十三度半。軍井四星距西南星去極一百五度半入畢宿十四度。天厠四星距西北星去極一百一十八度半入參宿二度。尿一星去極一百一十五度入參宿三度半

躔度

總有七星觜相侵兩肩雙足三爲心伐有三星足裏深玉井四星右足陰屏星兩扇井南襟軍井四

星屏上吟左足下四天廁臨廁下一物天屎沉

元丹

子步

天歌

參十度上爲五星日月中道甘氏曰參爲忠良孝

謹之子明大則臣忠子孝一曰參代一曰大辰一

曰天市一曰鈇鉞主斬刈又爲天獄主殺伐又主

權衡所以平理也又主邊城爲九譯故不欲其動

也參白獸之體其中三星橫列三將也東北曰左

肩主左將西北曰右肩主右將東南曰左足主後

將軍西南曰右足主偏將軍故黃帝占參應七將

中央三小星曰伐天之都尉也又曰七將皆明天
下兵精也玉井四星在參西右下水象也屏二星
在玉井南屏爲屏風玉井東西四星曰軍井行軍
之井也軍井未達將不言渴名取此也天厠四星
在屏東溷也主天下疾病黃吉青赤白皆凶天屎
一星在厠南色黃則吉他色皆凶

占候

星屏上吟左足下四天則臨則下一物天象沉

天歌

參十度土爲五星日月中道村氏曰參爲忠良孝

一星在圓南面黃腹吉也皆凶

代一曰大辰

在東面也主天下寒涼黃吉青赤白皆凶天象

在共也軍共未歡樂不言戲也天象四星

在王共南面爲風王共東西四星曰軍共皆軍

布兵赫也王共四星在參西亦平水象也四星

中央三小星曰外天之清燥也又曰小澤皆與天

沿革志

縣以稷名自唐武德中始歷唐虞夏皆畿甸地春秋爲晉之高梁邑戰國屬魏秦漢以來數千餘年或爲專州或屬郡道路府屢沿革制旣不同名亦各異疆域變更亦世代升降考鏡得失之大端也我

朝統一寰宇損益前代凡所沿革斟酌盡善雍正二年

詔諸府治凡所轄州縣多者改州爲直隸乃陞絳州

而以稷隸之規制倍加詳矣謹遵經史聯絡而書之俾覽者知所考焉

吾嘗歷覽稷之輿圖而不禁深有感也幅幘不過百有餘里土瘠而民貧非有名山大川可以爲限深溝高壘可以設險然而覽其形勝稽其疆域以及山川之流峙人民之剽悍亦河東一雄鎮也自古迄今不知幾閱變更而風景依然土田無恙率奉

皇朝之版圖傳有之曰在德不在險覽世故者於此

能無感焉

志

稷山禹貢冀州之域歷唐虞夏皆屬畿甸地周成王
封其弟叔虞於唐傳子燮改國曰晉邑爲晉之高梁
左傳齊侯以諸侯之師伐晉及高粱卽其地也戰國
時趙韓魏三分晉地邑屬於魏秦始皇分天下爲三
十六郡邑屬河東郡秦末屬魏豹漢興郡縣多襲秦
制邑仍屬河東郡爲聞喜縣地曹魏析河東郡爲平
陽郡邑隸焉晉置司州領十二郡邑仍屬平陽郡元
魏置龍門郡太和十一年分龍門置高粱縣隸高粱

郡西魏築玉壁城移治焉後周倚爲重鎮高歡攻之
刺史韋孝寬立勲其地陞爲勲州置總管後改絳州
隋開皇初絳州移正平改置稷山縣徙治汾水之北
改隸絳郡此稷山名縣之始也唐置十道邑屬絳州
隸河東道尋改屬河中府後唐同光三年復隸絳州
宋元豐間析天下爲二十三路邑屬絳州隸河東路
靖康間金陷河東邑入於金隸河東南路仍屬絳州
元置中書省統路府州縣邑領於絳州隸晉寧路明
改晉寧路爲平陽府邑隸平陽府仍領於絳州

國初沿其舊至雍正二年陞絳州爲直隸州邑乃專屬焉

郡西魏末王壁城後治焉後周倚爲重鎮高歡攻之
刺史韋孝寬立勛其地陞爲勳州置總管後改絳州
隋開皇初絳州移正平改置稷山縣徙治汾水之北
改隸絳郡此稷山名縣之始也唐置十道邑屬絳州
隸河東道尋改屬河中府後唐同光三年復隸絳州
宋元豐間析天下爲二十三路邑屬絳州隸河東路
靖康間金陷河東邑入於金隸河東南路仍屬絳州
屬中書省統路府州縣邑領於絳州隸晉寧路明
因亦以其舊至雍正三年置絳州爲直隸州邑八專

地表

唐

冀州畿甸地

虞

冀州畿甸地

夏

冀州畿甸地

商

冀州地

舊說屬商畿甸地是誤以垣

曲爲湯都耳考括地志宋州

穀熟縣南亳故城卽南亳湯

都州北五十里大蒙城爲景

亳湯所盟地河南偃師爲西

亳帝嚳及湯所都並未及垣

曲說者又謂祖乙遷耿爲今

河津縣太史公本作遷於邢

卽漢魏郡地皇甫士安亦但

言耿在河北未嘗指爲西河

其無與于甸服明矣

周

晉國地名高粱戰國

時屬魏

秦

河東郡地秦末屬魏

豹

漢

河東郡聞喜縣地後

漢地理志聞喜縣西

五十里有稷山亭

高祖封酈食其子疥

為高粱侯子勃孫平

襲平坐罪國除

東漢

河東郡地

曹魏

河東郡地

又分河東郡地置平

陽郡邑隸焉

稷山縣志

卷之二

地表

十一

西晉

司州領十二郡邑仍

屬平陽郡

元魏

龍門郡地

又分龍門置高梁縣

隸高涼郡

太祖追封文帝子元

孤平爲高涼王孫真

樂襲太宗改封平陽

王子禮仍襲高涼王

傳子那孫紇至曾孫

大曹降封公

西魏北周

勳州地置總管

後改絳州

魏扶風郡公王長述

改封龍門郡公子模

襲

隋

始置稷山縣改隸絳

郡

唐

邑屬絳州隸河東

道

又改屬河中府

後唐

邑復隸絳州

稷山縣志

卷之二

地理表

三

宋

邑屬絳州隸河東

路

金

邑屬絳州隸河東

南路

元

邑領於絳州隸晉寧

路

封澗星吉思爲穆山

公

明

改晉寧路爲平陽府

邑隸平陽府仍領于

絳州

封潘簡王第五子結

相爲稷山王薨子幼

拱襲薨子詮承襲薨

子勲近襲薨子尹柯

襲薨子恬岬襲

地表

十三

本朝

初隸平陽府仍領于

絳州雍正二年陞絳

州爲直隸州邑耑屬

焉

三代都邑之制劃土分疆域一地之民而居之于
以稽民數定壤賦宣政教也自秦罷侯置守迄今
縣令任專職焉稷幅幘廣百餘里攬其形勝前面
稷峯後擁姑射左連故絳右接龍門村墟分錯雞
犬相聞緩定而安輯之非守土者責歟庖人不治
誰越俎而代耶

縣治在山西布政司南七百五十里直隸絳州西五
十里東西廣五十里南北袤八十五里自縣治至

京師一千八百一十里

東至下王村絳州界二十五里絳州治五十里

西至薛村河津縣界二十五里河津縣治五十里

南至夏縣界牛莊五十五里少東至夏縣治一百二

十里

北至鄉寧縣界峪裏三十里鄉寧縣治一百三十里

東北至太平縣界三十里太平縣治九十里

東南至聞喜縣界四十五里聞喜縣治八十里

西北至河津縣界三十里龍門七十里

西南至萬泉縣界五十里萬泉縣治八十里

形勝

左連故絳右控龍門南帶汾河北通鄂壘平隴對峙

玉壁之霸氣猶存華峪畱踪高粱之雄風宛在

舖遞

總舖在城東關

東路管村舖在城東十里又十里東接本州周村舖

西路吳城舖在城西十里又十里下廸舖又十里西

接河津縣栢底舖

南路東衛舖在城西南三十里又二十五里南接蒲

州府萬泉縣張戶舖

山川志

水利附

黃意平

西華志水經注其
北隆志縣志出金
縣民山川

州縣之設有時而更山川之形亘古不易奇巘龍
嵒洪波浩瀚名山大川興崇望秩稷無所謂岳視
公竇視侯也然姑射紫金峯巒聳秀夙稱奧區汾
流巨浸游衍曲折自城南向西可漑可舟可漁近
山之地巖瀑溢澗渠洩坑澌居民障隄之引灌之
以爲農利外此葫蘆碧水諸泉貫穿環繞亦皆分
注田疇盡成沃土至於脉絡旁通風氣渟蓄文運
與地脉因之裨益于邑更大乃積久漸至湮塞後

之人有志民瘼而欲轉移風俗可勿濬鑿疏復以
承其利歟

帝王統一區宇必先上應緯經下列疆土於以定
封守輦皇圖也稷實唐虞畿內地三季以來爲河
東重鎮雖割據遷裂紛錯靡一而山川如故有足

稽焉

劉志

自井田亡遂人氏失職水旱頻仍率歸天數所從
來矣顧今之溝洫非古乘時相地䟽踰而堤障之

亦盡地力之遺意乎

此劉志溝洫也余編列山川而付以水利以其歸重人事

該有足多故
并附載於此

稷神山在縣南五十里東連聞喜西連萬泉南連夏
縣峰巒層出邑景稷峰疊翠卽此以后稷教稼於
此故名唐地理志山下有漉漉泉水經注汾水又
經稷山北山在水南四十餘里東西二十里南北
三十里高十三里西去介山十五里山上有稷祠
山下有稷亭春秋宣公十五年晉景公治兵於稷
以畧狄土卽此也

姑射山在縣北二十里石壁天成峰巒秀削上有姑

射洞邑景姑射晴嵐卽此北至滴水巖卽隸鄉寧

境

紫金山在縣西北三十里有峪洞洞口時有飛雲往

來

峩嵎嶺在縣南四十里東西袤二十里高九里八十

步山有兩峰彎環凝翠望若修眉南峰尤高

崑崙山在縣西北三里土山空窅中多故蛤

仙掌峰在紫金山上有掌痕承月狀故邑景曰仙掌

擎月

青陽峽在紫金山內段克已有遊青陽峽詩

聖王山在縣北三十里西連紫金山又西連姑射山
西至河津縣界止東西廣四十里高九里盤踞十
二里北接鄉寧界山有五峰中峰尤高有馬壁晉
家黃花三峪迴出羣山

馬頭山在縣東北三十里西連馬壁峪上有袁達寨
汾河在縣南二里繇下王村絳州界起至薛村河津
縣界止隸縣境共七十二里半東界自下莊村渡
至崔村五里下費村十里上費村五里苑曲荆平

李村楊村各十里至西界薛村渡十二里半止水
經注汾水又西與華水合水出北山華谷西南流
注於汾

漉漉泉在稷王山下

魚兒灣在縣東七里汾水之灣魚所聚也

黃華峪澗在縣北近河津界有東澗西澗

葫蘆泉在縣北二里佛閣寺西形似葫蘆邑人引水
入泮池

晉家峪澗在縣北有浸水遇雨有猛水出焉

甘泉在甘泉村東北按元天貞觀碑稱縣爲甘泉邑
卽此故邑景謂甘泉春色

白楊泉在小杜村南流入汾

碧水泉在加家庄康熙六年知縣孟孔脉開渠道導葫
蘆泉水南向遶文星臺前折而西與碧水泉會碧
水泉由城西后土廟右南至老岔折而東合葫蘆
泉水同歸於汾形家謂之二水合襟

水利

縣西北黃華峪澗係清水溉張東西田雨則混入猛

水東澗自上及下漑張東村圈頭傅家莊邢家莊
陶梁華峪澗東程杜胡家莊梁村段村等地西澗
自上及下漑張西村路村華峪鎮甯翟等村

縣北晉家峪澗內有浸水遇雨漲漑鄉寧山底村及
本縣薛家莊仁義等村田萬歷間知縣李希召均
水利

縣北馬壁峪澗係猛水古分三路東路首漑稷山三
界莊有餘水方漑絳州北董莊官莊光馬莊等村
中路漑李老莊大杜莊廉城莊等村西路漑范家

庄張家莊劉家莊東莊高渠西舍中舍等村俱稷
山境明時官莊於中路創開偏渠攬奪李老等村
水利萬歷三十九年知縣張思恭詳復古制立有
碑記至康熙十年又因爭水起釁絳州知州張琰
圭稷山縣知縣顧涑初奉委勘驗斷令遵照舊例
將支流堵塞復立碑記

小杜渠猛水漑小杜村田

東曲渠猛水溉東曲村田

稷王峪猛水溉西里董家莊吳壁莊地

葫蘆泉日溉田數畝流入泮池

白楊泉在小杜村溉絳州武平莊稷山小杜上王村

洞治村甘陽村東劉西趙村地七村輪流溉田八

日一週不得紊亂縣治有碑記

三界莊池在城東北三十里萬歷間鑿引注馬頭山
泉水以汲居民使之

西長池在城西南四十里莊近南山井深千尺居民

艱於鉋縷貯水以飲云

姚莊池在城西北三十里隱士姚綬鑿筒引十餘里
永濟泉在城北十五里上胡村引北山東溝清水甃
暗渠流十餘里達村東門

舖頭堰在城東北三十里沙溝廟前甃以障馬壁峪
水延袤可三四里

薛村堤在城西二十五里舊有澗無堤知縣事吳峻
令築堤堰水溉田二百畝有奇梁蕙有記

縣南汾河東接絳州西連河津兩岸瀕河地舊無渠

道蓋緣縣境地形卑注汾水居上河流泛漲易致
渰沒且遷徙不常難以設渠至於岸上地畝民多
開井灌溉其左右高陂峻岸河水不能引上雖渠
無益也

風土志

節序物產附

高粱古教稼地也其俗樸其民勤文質彬彬有俟
異日然較之沃土風氣固殊焉到處野無曠土而
稷峯左右卽大旱無荒年憂豈率育之靈有戀戀
此鄉者耶物必用而後殖否雖異而不貴貴賤之
間唐思魏儉其所從來遠矣

居恒讀詩而嘆十五國之風莫儉於唐亦莫厚於
唐高粱固唐之遺也迄今居其地理其人大都敦
朴蓄習勞苦憂深思遠恍乎陶唐氏遺風然世故

遞遷邇來朴者漸而之詐嗇者漸而之靡風俗之
日趨於變也亦運會使然也若夫漸摩涵濡優游
歲月俾之移風易俗以復於鼓歌之舊是又存乎

神而明之者矣豈異人任歟

顧志

舊志無節序及鄉儀兩編或謂草野微儀無關輕
重前所未載亦畧而闕之可也吁執是以論七月
一章皆紀民間歲時土俗昔人奚取焉蓋凡君子
入其國覽其俗卽知治理所由施節序之崇尙鄉
儀之煩簡皆可覘民風之厚薄故不敢畧焉亦以

備采風者之一助爾

顧志

詩傳唐風土瘠民貧勤儉質朴憂深思遠有堯之遺

風焉

魏風其地狹隘民俗儉嗇蓋有聖賢之遺風焉

史記水深土厚性多剛直好氣任俠

前漢書其民有先王遺教君子深思小人儉陋

北齊劉子有唐虞之遺風其俗節財而儉嗇

隋志土地沃少瘠多是以傷於儉嗇其俗剛直亦風

氣使然

柳宗元晉問好謀而深和不怒憂思而畏禍恬以

愉

通典晉魏以降文學盛興閭井之間習於成法

朱熹詩注唐俗勤儉其民終歲勞苦不敢少休及其
歲晚務閒之時乃敢相與宴飲爲樂

宋史地理志其俗剛悍而朴直勤農織之事業寡桑
柘而富麻苧善治生多藏蓄其靳嗇尤甚

祝志后稷播種之地崇尚節儉

山西通志尚節儉喜祭賽勤耕織知向學

縣志
舊志勤儉愿朴力穡稽寡未作
節序

元旦夙興燔栢葉或焚束薪名曰興旺火陳牲醴果
羞祀天地祀神祀先家衆以次跪拜稱壽畢出拜
尊長及戚里焉飲食相招十數日乃止

立春噉蘿蔔片名曰咬春取薦辛也先一日迎芒神
於東郊遠近競看土牛以芒神占歲水旱及人苦
樂

元宵張燈設火樹烟花鼓吹裸戲弛夜禁鄉間或以

小瓦盞點油燈遍列門室

十六日男婦結伴遊名曰走百病二十日家食煎餅
名曰添倉夜不張燈呼爲鼠忌

二月二日俗傳龍抬頭日引灶灰圍屋避虫鼠春分

釀酒醋

寒食墓祭且加封焉清明踏青樹樹以韮穀雨以灰酒

洒墻名曰禁蝎

四月朔日插皂角葉却諸病

五月五日懸艾虎佩菖蒲解纓飲雄雄黃酒婦女佩硃

砂袋
六月六日曝衣造麴儲水備用伏日合醬

七月七日設瓜果筵祀天孫漂針乞巧十五日爲中

元節薦麻穀有拜墓者

中秋列瓜果月餅酒肴望月羅拜已而劇飲以陰晴

卜來年上元

重陽食糕登崑崙山飲菊花酒

十月朔日墓祭略同清明惟裁楮象衣名曰送寒衣

冬至窺日景祀先紳士躋公堂稱賀

十二月五日和五種豆及米作飯曰五豆粥八日置菓飯中名臘八粥二十三日臨晚設餅飴祀竈逾日掃舍宇除夕易門神桃符更書官帖婚嫁無忌老稚團飲爆聲達宵名曰守歲

按邑冠禮久廢婚禮六者僅存其四問名納采請期親迎而已士大夫家多重門第失之議婚太早細民間有指腹割襟者久生他故或至連訟親喪納女名爲拜喪遊子未歸而娶婦號曰空房又有男子未聘女子未字旣故而後議婚兩柩同葬謂

之冥配尤屬陋習喪禮不作佛事不用俳優秉禮之家間有行者然鄉里或目爲儉親誦經超度扮劇愉尸習爲固然驟難改也至祭祀祠堂之設惟縉紳家有之餘多從中庭內寢設主供奉朔望而外恒致祭於生辰忌日至謁墓展禮則必於寒食七月望日十月朔日凡數舉焉然每失之簡畧此稷邑四禮之大概也其間宜因宜革責有攸歸移風易俗吾於後之官斯土者有厚望焉

風是也吾外之官洪土清有耳聖焉

數日四豔之大跡也其間宜因宜革責有司

少民望日十日既日凡樓舉焉然於此之簡

快即廷祭外主氣思日王臨墓矣雖謂必待

餘縣宋府之籍之郊中其內雖謂主將奉

陳命以賢為固然烈腹如也至來其陳堂之

之案問有許清然腹里如日為劍陳而陳

之真猶大靈而賢矣雖不什陳車不則有

物產

穀屬

稷

爾雅翼稷百穀之長也今俗直名之曰穀脫殼則為粟米亦曰小米

黍

爾雅翼以大暑而種故謂之黍有黃白赤黑四種米皆黃俗呼黃米有黏不黏兩種

稻

爾雅翼一名秣有梗糯二種性宜濕水田中間種之

麥

爾雅翼麥者接絕續乏之穀先五穀早成秋種冬長春秀夏實具四時之氣

大麥

爾雅翼麴者后稷所受瑞麥來牟也宜為飯又可為醋其蘖可為餲

高粱

一名稻黍種來自蜀又曰蜀黍有紅黑黃白蓬頭諸種

蕎麥

粉亞於麥麵中伏種者最佳

春麥

種於春故名性不如秋麥佳

菽

豆之總名其類最多九穀之中居其三有黑黃紫碗扁小紅白八種

芝蔴

色白秋開白花亦有帶紫艷者又名胡麻非一種

大麻

色蒼而圓可榨油

包穀

一名舜王穀

蔬屬

韭

蔥

薤

蒜

生田野者曰老鴉蒜

芹

莧

有紅白紫三種

芥

土產惟花芥

茄

藕

菠薐菜
一名水根菜

蔓菁
一名諸葛菜

蘿蔔
有三種

茼蒿

蒿笋

胡蘿蔔
黃赤二種

白菜
黃芽一種尤佳

芫荽
一名胡荽

荳蔻

萵苣

山藥

馬齒莧

蕨菜

桌貨屬

棉花
紫白二種

麻

椒

蜜

棗酒

柿酒

甘酒
色如琥珀味醇

瓜屬

黃瓜

青白二種

冬瓜

西瓜

南瓜

北瓜

菜瓜

絲瓜

甜瓜

有數種

金瓜

葫蘆

瓠子

果屬

桃

李

杏

梨

出南鄉者佳

柿

棗

一種最大

石榴

核桃

葡萄

沙果

羊棗

櫻桃

木屬

松

栢

槐

榆

桑

有樹桑條桑二種

椿

桐

樗

柳

青楊

楸

竹

皂角

草屬

蘆

葦

蒿

蓼

稗

蓬

苜蓿

馬蘭

烟草

藥屬

地黄

枸杞

升麻

薄荷

牽牛

荊芥

芫花

知母

半夏

紫蘇

柴胡

蒼朮

蒼耳

麻黃

香附

地丁

遠志

茵陳

桔梗

艾

防風

瓜蒌

青黛

蓮翹

朴硝

山查

馬勃

紫葳

藜蘆

瞿麥

薏苡仁

金銀花

天門冬

車前子

益母草

蒲公英

五味子

穀精草

牡丹皮

酸棗仁

懷香子

桑寄生

地骨皮

蛇床子

郁李仁

款冬花

花屬

牡丹

芍藥

石竹

金盞

鳳仙

玉簪

薔薇

木槿

月季

迎春

萱草

紫荊

蜀葵

山丹

鷄冠

海棠

秋海棠

玫瑰

蓮花

菊花

水紅花

卽蓼

虞美人

剪秋羅

夾竹桃

蝴蝶花

夜合花

萵苣蓮

禽屬

鷄

鵝

鴨

雉

鴿

燕

鴉

雁

鷄

雀鷹

喜鵲

鷓鴣

黃鶯

啄木

布穀

班鳩

練雀

翡翠

鷺鷥

鴝鵒

慈鳥

獸屬

馬

羸

驢

牛

猪

羊

犬

猫

鹿

麋

麂

虎

兔

狐

狼

狸

獾

鼠

鱗屬

鯉

鯽

鱸

鮎

金魚

介屬

螃
蟹

螺

蟹

虫屬

蠶

蟾

蟾

蝦
蟄

守宮

螳螂

蠹魚

壁錢

蛸
蟪

蜘蛛

螺
贏

蟋蟀

蜂

蚯蚓

蝸牛

蠶

蟹

魚

蟻

蜂

蟻

蟻

蟻

蟻

蟻

蟻

蟻

蟻

蟻

蟻

介

介

介

金

魚

金

金

金

金

